

D. O. M.
QUÆSTIO MEDICA PUBLICIS AGITANDA
DISPUTATIONIBUS IN SCHOLIS MEDICORUM CELEBER. ACADEMIÆ CADOMENSIS,

PRO LICENTIATUS GRADU CONSEQUENDO. M. PETRO ANGO, DOCTORE MEDICO, ET PROFESSORE REGIO, PRÆSIDÈ.

An detur panacea, sive remedium generale?

47

PANACEA Græcis generale omnibus morbis remedium. Illud miseris mortalibus promittunt quidam Mediæ. Quis illis affirmantibus credat? hæc autem sunt generalis illius medicamenti potentissimæ probationes, hi præclari & stupendi effectus. Sanis panis idem, eadem aqua sufficit quidni ægrotantibus idem remedium? Illud enim tante vis est & efficientia, ut exemplo agat, morbosque omnes, est graves ac mortiferos, sanabiles tamen, tollat ac evertat radicibus. Illud luminis instar, omnes corporis partes permeat, lustrat, irradiat, hebetes ac languentes earum fibras reficit, corroborat, intendit, effectos spiritus recreat: vitiosos humores purgat; quod calidum temperat; fovet quod frigidum; quod crudum coquit: maturat quod immaturum, quod acidum, salsum, acre, amarum, aliisve saporis noxiis, ac erodentis concoquit, edulcat, pristinæ temperationi restituit: uno verbo nihil extrarii vel immundi, nihil gravis aut putidi, seu venenati in corpore remanet, quod ab eo remedio non superetur. Eodem modo agit in naturis omnibus, nulla vi, nulla humorum ejectione sensibili: illius usui juvenescunt decrepiti senes, canos, rugos, toridos, ac cariosos dentes, pellemque veterem deponunt, habileque sunt functionibus omnibus redintegrandis. Jucundus ille potus, melle & saccharo dulcor. Et si Helmontio fides, idem quamlibet morbosicam ab Archæo conceptam, expugnat & extinguit remedium enim est Archæo familiare & gratum, atque uti levis odor pestilentis aut ædedit animalia, ut morsus rabidi, viperæ, colubri inficit, & plerumque necat levi momento & sic datur remedium potens; quod solo odore, atque tactu compescit vitæ errores, restituit vitæ aut irati, aut errantis Archæi optanda quidem tam benefica, tam potens Medicina, sed adhuc dædeditur, junioribus, & antiquis incomperta.

EX quânam materiâ conficiatur tantum remedium? requirit Helmontius, ut sit corpus semel resuscitatum, semelque destructum, ac deinde quasi à resurrectione gliandum, adeoque à quibuslibet vitis suscipiendis immune; nam in remedio resurgente à morte, virtus illius adaugetur in millecuplum, tenuique contactus odore, diffunditur, dilaturque in objectum Archæum, ac componit. Requirit præterea, ut post volatilitatem adeptum alicui corpori amicabilem connectatur, quo detineatur, corpori humano communicetur, & Archæus demulceatur fermentativâ odoris extensione; sic autem conficitur illud medicamentum, lapillis Butleri dictum. *Fuso sale marino è fece extracto, ante omnimodam ejus condensationem, illi commiscetur substantiam entis veneris, resuscitando, & comitatus peregrino fermento: statimque vigillanti cooperiatur. Dum autem profusus refrigeretur, contunde in pulverem sub marmore, illique adijunge visnea subdecuplum respectu entis veneris, quem pulverem cum ichthocolla solutâ, in trochiscos compinge, & habes medicamentum nobile.* Unum olei cochlearis lapillo illo imbuti, si in eadem olei infundatur, totus eadus evadit remedium ejusdem virtutis, morbi omnes sanantur hoc remedio, unctione scilicet, si extus, vel linguae tactu, si intus producti fuerint. Alii poculenti auri confectum proponunt, & Hippocratem suas in partes trahunt lib. 1. de dietâ, juxta illud, *aureum operantes tunc, lavant, molli igne liquant, forti autem non constatur: ubi verò elaboraverint ad omnia utantur:* addunt, aut illius materiam non vulgare esse illud metallum, quoutantur auri fabri, bracteatores, vulgares Medici; molli enim igne, ac lento aurum Hippocrate elaboratur, igne forti tractatur vulgare; non liquet tamen, ex quo fossili aurum suum conficit Hippocrates, an ex antimonio, quadruplici virtute emetica, cathartica, sudatoria, alexiteria præditi; an ex Saturno aliisve corporibus metallicis. Alii spiritum vitæ in lagenâ inclusum passim deprædicant, popello ut summum arcanum obrudunt; & divitum ignorantiam spe longioris vitæ circumveniunt; sed quæ potest esse talibus promissis fiducia?

MEDICINA illa universalis, solis, ut aiunt, adeptis concessa & comperta, omnibus incomperta est. Remedium dicitur naturis omnibus commune, quasi verò natura esset unum ens; natura quidem increata, seu naturans, ut loquuntur barbari, unum ens, sed ut creationis, ita & conservationis non indiga; natura autem particularis, de quâ hic agitur, multiplex est, creationis, conservationis, & ejuslibet adminiculi præcipies: ut enim homines vultu, moribus differunt ita & temperamento, & idiosyncrasiâ. Naturarum quædam ad æstatem, aliæ ad hiemem bene vel male se habent; his medicamentum aliquod proficit, aliis nocet. Quid ineptius, & stolidius, languido juxta ac robusto, juveni & adulto, aequæ ac seni & decrepito, idem medicamentum propinare, idem est atque unum calcamentum cuiuslibet pedi adperire, sed iniquis, eadem natura multiplex, dum sana est, eodem pane & eadem aqua vivit contenta, quin & ægra idem remedium, quod sicuti sol tempora, ita & moderat vitam & sanitatem, quod caligines omnes ex humorum intemperie ortas illico discutit, & quod ætus compescit usu aut morbo attritas partes restituit. Egregium videlicet argumentum ad probationem Medicinæ universalis. In solâ quidem consistit functionum integritate sanitas, sed morbus quidem posuit est in multiplici ac eadem integritate recessu. Integritas eodem alimento sustentitur, sed recessus multiplex non eodem modo componitur, aliâ viâ membrum disrumpit, aliâ laxatum curas, aliâ tenuitatem emendas, &c. Infinitè quidem præclari illius remedia dotes prædicantur, unde nam illud eruiamus? obscura nimis, & studiosa chymiatorum dictio; Protheum dices quaslibet figuras inducentem, & quoslibet effectus producentem: nullus ex adeptis fecisset novâ juvenute commutavit Fratres roseæ crucis perpetuâ juvenes universum terrarum orbem pedibus obeuntes, si nec curâ & lassitudine, mera sint cerebri inflammata signa. Confectio lapidis Butleri ab Helmontio proposita saltem est otaculum, nullo Oculpo explicandum. Corpus metallicum obsequens fit usque ad mortem, ab artifice resecratum resurgit velut à morte, in sublime fertur, novo humore densatur, & nutritur, vitæque hominum suæ resurrectionis participem efficit; hæc dicere, refutare est. Quid de auro poculento dicam, ejus ignorata materia remedium perpetui involvet tenebris. Spiritus universi ær est, ejus motu vivit corpus quandiu liberum, nec dissolutum, nec obstructum.

Est humanarum rerum iniqua conditio, ut cognita, & utilia negligamus; abditiorum & arcaniorum sortem sequi. Hinc agyrtarum collegia quaslibet; illi celeberrimam Orvietani Antidotum, venenis extis admotis, aut haustis, aut à vitio humorum, & corruptelâ ortis adversam sæpius elamitant; tanquam remedium idè catholicum, quod omnes morbi ab humorum putredine majori, vel minori provenire contendunt: sed quàm fallax, quàm fucata in eorum manibus tanti remedii præparatio, quæ etiam si legitima, non tante, quantam extollunt, virtutis foret; neque enim hæc ex quositorum medicamentorum sartago in commune omnibus morbis remedium coalescit; nam præterquam quod venenis omnibus, v. g. sublimato corrosivo non convenit, nocet etiam plurimis aliis morbis; diffundit in vasa saburram viscerum; phreneticos, maniacos, biliosos affectus exasperat, &c. Quid? quæ de auro potabili, quæ de medicamento horizontali gloriosius prædicant, resellendo infinitus sum? nulla ferè est anicula, quæ secretis suis universalibus non indulgeat. Ipsum etiam audeat barbitonorum vulgus singulis, & omnibus morbis purgationem, & venæ sectionem sine delectu, & promiscue tanquam unica remedia administrat. Maxima quidem sunt hæc remedia, sed tempestivè & prudenter adhibita. Moratur me curatio transplantatoria, cum ex agro in aliud animal, vel etiam in quodcumque inanimè corpus morbus transplantatur, & transferri credatur; morantur & observare cautions in transplantandis morbis, quarum beneficio cura absolvitur; & hæc sunt quadruplicis generis, 1. respectu ægri; 2. respectu medi transplantantis; 3. respectu recipientis, in quo morbi transplantantur; 4. respectu morbi; quæ analogiam in invicem requirunt, & dispositionem recipientis; sic epilepsia tutò, citò, & jucundè in passeres transplantatur. Podagram ab homine recipienti gallus gallinæus, pavo, canis, tumores in nodosâs arbores citius transeunt; in illam capitis morbi. Affectus, qui in pifces transigrari debent, à nimia humiditate ortum habebunt, &c. Morborum transplantationes partim sunt per sudorem, per segmenta unguium, per sanguinem, & utin carnis unguento amario, per capillos in affectibus capitis; per excrementa, ut si ex urina iteriorum infans placeat canis farinâ, quæ offerantur cani vel feli. Si quæ de transplantationis modo jactant, vero propiora forent, jam à pluribus annis excogitatus illi modus usui frequenter etiam confirmaretur; homines enim ad salutem suam attentiores, tutam, citam, & jucundam transplantandi morbos rationem, conjecturis & ingratis potionibus prætulissent.

TUTIOR, & certior medendi viâ nobis videtur, quam ab Hippocrate acceptam Dogmatici tenuerunt. Hanc trahunt ab experimentis, ratione, & analogismo. Experientia prima est, & potior; si quid suadet ratio, cui refragatur experientia, nullus debet esse ponderis, & momenti. In curatione suadet ratio contrariis contraria esse auxilia, & similia similibus conservari. Experientia, modo prosit, remedia adhibet similia, sive ejusdem nature cum morbo, sive contraria; hinc contrarium intelligitur id omne, quod morbos expellere valet. Analogismus verò indicium est non leve à ratione haustum, ad causas novi morbi investigandas, & ad remedia administranda, quibus morbos cognitos, illis quodammodo similes feliciter curatos aliquando experti sumus, stantibus iisdem indicationibus. Indicatio est agendorum insinuat. Natura stimulata & impulsâ Artis peritis, quæ faciendâ sunt demonstrat, ita ut quibus mediis ab eadem morbos pelli noverint, iisdem ipsi utantur; nature enim morborum medicatricæ, non omnino tamen naturæ committendus æger. Sæpè remediis parvi momenti, excitatur fiducia, spes, imaginatio, quæ plurimum juvare experitur. Semper ea, quæ moram, & impedimentum inferunt, quæcumque ratione amoveas. Inopiâ si laboret natura, remediis corroborantibus utendum, unde recessus viribus causæ morbosicæ evanescant: si consopita videatur, si spirituosus medicamentis virtus exsuscitanda; si onere prematur, sublevanda. Onus illud vel sanguis est, vel humores partim secreti, partim secretendi. Statim sanguis mittendus est ubi plenitudine officit, aut aberrat à viâ: humores secreti purgandi; alii præparandi ad purgationem inde adjectio, & detractio duo sunt præcipua apud Dogmaticos medendi instrumenta, sed non sola; nam ubi viscerum sanguinis à dulcedine sua degenerat, temperatione uti oportet per medicamenta alterantia, quæ cum sint viri laporis, & qualitatibus, sanguinem pravis saporibus, & qualitatibus affectum immutabit. Curatio in universum à causarum amotione semper inchoanda; urgentiori succurrendum. Cum morbi incipiunt, si quid videatur movendum, move: cum verò consistunt, ac vigent, quiescere melius est. In morbis benignioribus à medicamentis abstinendum, tunc enim summa medicina est, medicinâ non uti. In magnis & perniciosis agitudinibus remedia efficiaci adhibenda sunt; morbi impetus frangi nequeat, in longum protrahendus, ut curationi locus detur. Quod si aliundè spes salutis non affulgeat, satis est anceps experiri remedium, quàm nullum. Prudentis tamen est medici, ægrum, qui servari non potest, non attingere; nec subire speciem ejus ut occisi, quem fors ipsius peremit. Consideranda denique suadent Dogmatici temperiem ægrotantis, consuetudinem, ætatem, sexum, anni tempora, & diversos morborum exitus. Quantæ, inquit Helmontian, ambages in medicando! quàm longa indicationum, & distinctionum series! sentio equidem, quàm expensâ fit medicina illa universalis. Ballum illud vitæ, & Catholicum remedium, quod morbis omnibus, sive calidis, sive frigidis, sive à quâcumque causâ ortis, tutò, citò, & jucundè occurrat: illud semper fuit, & erit in votis; in quæ vota futilia succedent posteri.

Ergo non datur panacea, sive remedium generale.

Hæc suas Theses proponebat PETRUS VICTOR CAUVET, Deppæus, Baccalaureus Medicum, die Jovis 13. Julii, A. R. S. H. M. DCCXIX. à septimâ ad undecimam.

CADOMI, Apud ANTONIUM CAVELIER, Regis, & Academiæ Typographum.